



ქალაქ ფოთის მუნიციპალიტეტის საკრებულო

განკარგულება №13/95

2020 წლის 30 ივნისი

ქალაქი ფოთი

ქალაქ ფოთის მუნიციპალიტეტის მერისთვის, ქალაქ ფოთის მუნიციპალიტეტის საკუთრებაში არსებული, ქალაქ ფოთში, ვიქტორ კრატასიუკის ქუჩაზე მდებარე 20 (ოცი) ცალი გარე განათების ბოძის ნაწილის შპს „ახალი ქსელებისათვის“ პირდაპირი განკარგვის წესით სარგებლობაში გადაცემასთან დაკავშირებით თანხმობის მიცემის შესახებ

ქალაქ ფოთის მუნიციპალიტეტის საკრებულო აღნიშნავს, რომ ქალაქ ფოთის მუნიციპალიტეტის მერიას, 2020 წლის 3 ივლისის, №1/17/487ლ.ნ წერილით (ქალაქ ფოთის მუნიციპალიტეტის მერიაში შემოსული დოკუმენტის №01/5559, 2020 წლის 06 ივლისი) მომართა შპს „ახალი ქსელების“ დირექტორმა და ითხოვა ქალაქ ფოთში, ვიქტორ კრატასიუკის ქუჩაზე შპს „ახალი ქსელების“ სატელეკომუნიკაციო საკაბელო ქსელის მოწყობისათვის ქალაქ ფოთის მუნიციპალიტეტის საკუთრებაში არსებული, ქალაქ ფოთში, ვიქტორ კრატასიუკის ქუჩაზე მდებარე გარე განათების ბოძების პირდაპირი განკარგვის წესით, 5 (ხუთი) წლის ვადით, სარგებლობაში გადაცემასთან დაკავშირებით შესაბამისი ხელშეკრულების გაფორმება.

ქალაქ ფოთის მუნიციპალიტეტის საკრებულოში წინადადებით შემოვიდა ქალაქ ფოთის მუნიციპალიტეტის მერი, ქალაქ ფოთის მუნიციპალიტეტის საკუთრებაში არსებული, ქალაქ ფოთში, ვიქტორ კრატასიუკის ქუჩაზე მდებარე 20 (ოცი) ცალ გარე განათების ბოძზე სატელეკომუნიკაციო საკაბელო ქსელის მოწყობის მიზნით შპს „ახალი ქსელებისათვის“ ხსენებული გარე განათების ბოძის ნაწილის პირდაპირი განკარგვის წესით, სასყიდლით, 5 (ხუთი) წლის ვადით სარგებლობაში გადაცემასთან დაკავშირებით თანხმობის მისაღებად.

„ადგილობრივი თვითმმართველობის კოდექსის“ საქართველოს ორგანული კანონის 122-ე მუხლის მე-4 პუნქტის შესაბამისად, მუნიციპალიტეტის ქონების სარგებლობის უფლებით გადაცემა ხდება აუქციონის ფორმით ან პირდაპირი განკარგვის წესით. მუნიციპალიტეტის ქონების აუქციონის ფორმით სარგებლობის უფლებით გადაცემის შესახებ გადაწყვეტილებას იღებს მუნიციპალიტეტის აღმასრულებელი ორგანო, ხოლო მუნიციპალიტეტის ქონების პირდაპირი განკარგვის წესით სარგებლობის უფლებით უსასყიდლოდ გადაცემის შესახებ გადაწყვეტილებას - მუნიციპალიტეტის აღმასრულებელი ორგანო მუნიციპალიტეტის საკრებულოს თანხმობით. ამავე მუხლის მე-5 პუნქტის შესაბამისად, პირდაპირი განკარგვის წესით მუნიციპალიტეტის ქონების სარგებლობის უფლებით გადაცემა შეიძლება სასყიდლით ან უსასყიდლოდ, პირობებით ან უპირობოდ.

ამასთანავე, „მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ საქართველოს მთავრობის 2014 წლის 8 დეკემბრის №669 დადგენილებით დამტკიცებული წესების 22-ე მუხლის მე-4 პუნქტის შესაბამისად, პირდაპირი განკარგვის წესით მუნიციპალიტეტის ქონების სარგებლობის უფლებით გადაცემა შეიძლება სასყიდლით ან უსასყიდლოდ, პირობებით ან უპირობოდ.

„მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ საქართველოს მთავრობის 2014 წლის 8 დეკემბრის №669 დადგენილებით დამტკიცებული წესების 36-ე მუხლის მე-3 პუნქტის შესაბამისად, მუნიციპალიტეტის მომრავი ქონების პირდაპირი განკარგვის წესით, სარგებლობის უფლებით გადაცემისას ქირის წლიური საფასურის ოდენობა განისაზღვრება მუნიციპალიტეტის აღმასრულებელი ორგანოს მიერ, მუნიციპალიტეტის წარმომადგენლობითი ორგანოს თანხმობით.

ამდენად, მიზანშეწონილია ქალაქ ფოთის მუნიციპალიტეტის მერისთვის ქალაქ ფოთის მუნიციპალიტეტის საკუთრებაში არსებული, ქალაქ ფოთში, ვიქტორ კრატასიუკის ქუჩაზე მდებარე 20 (ოცი) ცალ გარე განათების ბოძზე სატელეკომუნიკაციო საკაბელო ქსელის მოწყობასთან დაკავშირებით შპს „ახალი ქსელებისათვის“ ხსენებული გარე განათების ბოძის ნაწილის პირდაპირი განკარგვის წესით, სასყიდლით, 5 (ხუთი) წლის ვადით, იჯარის ფორმით სარგებლობაში გადასცეს შპს „ახალი ქსელებს“ (ს/კ 211326732).

მუხლი 1.

მიეცეს თანხმობა ქალაქ ფოთის მუნიციპალიტეტის მერს, ქალაქ ფოთის მუნიციპალიტეტის საკუთრებაში არსებული, ქალაქ ფოთში, ვიქტორ კრატასიუკის ქუჩაზე მდებარე 20 (ოცი) ცალ გარე განათების ბოძზე/ბოძების ნაწილი, სატელეკომუნიკაციო საკაბელო ქსელის მიზნით, პირდაპირი განკარგვის წესით, სასყიდლით, 5 (ხუთი) წლის ვადით, იჯარის ფორმით სარგებლობაში გადასცეს შპს „ახალი ქსელებს“ (ს/კ 211326732).

მუხლი 2.

მიეცეს თანხმობა ქალაქ ფოთის მუნიციპალიტეტის მერს, ქალაქ ფოთში, ვიქტორ კრატასიუკის ქუჩაზე მდებარე 20 (ოცი) ცალი გარე განათების ბოძის/ბოძების ნაწილის შპს „ახალი ქსელებისათვის“ (ს/კ 211326732) პირდაპირი განკარგვის წესით სარგებლობაში გადაცემისას, ქირის წლიური საფასურის ოდენობა (საიჯარო ქირა) თითოეულ ბოძის ნაწილზე განსაზღვროს 3.00 (სამი) ლარის ოდენობით.

მუხლი 3.

განკარგულება შეიძლება გასაჩივრდეს მისი კანონმდებლობით გათვალისწინებული წესით გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 4.

განკარგულება ძალაშია 2020 წლის 30 ივლისიდან.

საკრებულოს თავმჯდომარე



ბეჭა ვაჭარაძე